

Kálag echě Paalε áténlé Filemōnε Ndibned ní kálag

Filemōnε abédé mod awě andúbé Krīstə abé-’ε mod awě awóó edúbé bwámbwam á mwembéte. Kapóg abédé á mwembé níme rídé á Kolose. Anwónη ntāη awě béchágé’áá bán Onesimuse. Ane ntāη ansób wée Filemōnε dó-’aá ámbíd e póndé ábómné Paalε. Paalε abédé á mbwəg ene póndé. Paalε mó ankəη boη Onesimuse abé mod a Krīsto. Kálag echě Paalε áténlé Filemōnε, antel chó aá Filemōnε bó awe ntāη bétim ásē, aá mó Paalε mólōme’ awe ntāη ámbíd, nén Filemōnε akob mó ámbíd saké áyāle ádíí awe ntāη dēmpen boη ákob mó nēngáne mwānyanη á Krīsto.

Nkabtéd ní kálag

Ndibned ní kálag 1-3

Paalε akené Filemōnε 4-7

Paalε acháá’ Filemōnε átéd Onesimuse ámbíd 8-22

Nsógten 23-25

Paalε alómmé bad melentēn

¹ Mε Paalε, awě adé á mbwəg á dīn á Yesu Krīstə, me-εé ntelé enén kálag. Sé Timoti, mwānyanη a Krīsto awêd, sêlōmme nyé melentēn. Sêlente’ wε Filemōnε, nsón e echon awêd awě mómpē abele’ nsón níme sébeléé.

² Sêlente’ kóəηne Afia, awed mwānyanη a mmwaád a Krīsto. Sêlente’ Achipuse awě mómpē akale’ nkalanη ní bwám ne ngíne esyəəl ngáne

sémpē sékalεέ. Sêlente-’ε bãnned bé mwembé ábe bébome’ áwoη ndáb.

³ Nsimé ne nsaη í Dyōb Titée awêd ne Sàngú Yesu Krístæ, nîbê ne nyé.

Edaηge ne adúbe áde Filemōne

⁴ A-Filemōn pōndé téé nzé nkânne’, mbelé nîsāgnān Dyōb áyāl echōη.

⁵ Nsāgnan Dyōb áyāle nwógé nén bán edáá bad bé Dyōb bésyāāl, esumé-’ε nlém wée Sàngú Yesu Krístæ.

⁶ Nkânne’ nén meé, nlatén míme syánē déwóó nêηgáne bad ábe bédúbpé Krístæ, nîbel nyékoη mekan mé bwām mésyāāl nímê Dyōb ábágé syánē asōηten. Nén débêl ehúmé éche Krístæ ényínned.

⁷ A-mwānyan, edaηge éche éwōηné bad ábe bédúbpé Krístæ, éwógté me menyīnge bwāmbwam éwéde-’ε me nlém á abum. Ewógté bad bé Dyōb menyīnge.

Paale ad Filemōne ákob Onesimuse

⁸ Né-óó, kénéε édíí bán nwóó kunze ákamlen we á dīn á Krísto ábel dyam áde étāηgéné ábel,

⁹ edaηge éche nîwánléné we ébélé ncháa’ we cháán. Me Paale, nhóbe nén nêηgáne nchun mí mod míme nídé-’ε á mbwōg bōob á dīn á Krísto.

¹⁰ Ncháa we á nló míme Onesimuse. Adíi bōob nêηgáne awem mwān. Me-éé nkæa boη adúbé Krístæ ádé abédé á mbwōg hén ne me.

¹¹ Ngen e’só, enkêmbáá we etógnén. Boη bōob adé sóo etógnén.

¹² Nlóme’ mós ámbīd áwōη bōob, adíi mod awē nídáá bwāmbwam.

13 Mendǎŋ meé ábê ábê ne me ábel boŋ áwôŋgen me á etál échôŋ bɔɔb áde ńdíí á mbwɔg hén á dín dé nkalan ní bwám.

14 Kénê, meédəə'é meé ńnyáged we áwógen me. Boŋ pen mǎdǎŋ meé éwôŋgen me áyāle mmɔn edəə me awôŋgen. Né-ɔ́, meéhēlē-sē ńbēl dyamdyam ésebán mmɔn ekwěnténé.

15 Kapóg Dyɔb dɔɔ dēmbēl aá Onesimuse ápágned we á yāl é esóŋ é pónde, ábel boŋ nzé atimé ámbíd áwónǎ ábē ne we ne abé ásyāal.

16 Bootya bɔɔb, saké ntāŋ ngēn adii. Adii awed mwánned a Krīsto. Ndəə mɔ́ bwámbwam, we-'é ámpē etáŋgéné mɔ́ adəŋ ké tómaa ngáne ńdǎá mɔ́. Etáŋgéné mɔ́ adəŋ ngáne ntāŋ awôŋ, édəŋ-'é mɔ́ nēe awonǎ mwānyan a Krīsto.

17 Né-ɔ́, nzé etédé me nēŋgáne mod awě nyúmō nyébele nsón, etáŋgéné mɔ́ akob melemem nēŋgáne wékobpe me.

18 Nzé édé nén bán abēnlé we epandé, ké'ε awánlé we alúm, né mēsābē we.

19 Me Paale, mmēn-εé ntelé nén ne échēm ekáá. Mēsābē we. Boŋ pen, weéchatán nén weé abel áde ńbélé boŋ ékud alongé dékɔ́lē, édé nēŋgáne wémpē ewanlé me alúm.

20 Né-ɔ́, a-mwānyan, ncháa' nén meé éwôŋgen me á dín á Sánjú. Wógéd me menyinǎ á dín á Krīsto.

21 Atel áde ńtélé enén kálag ábélé nsumé nlem nén meé, wēbelé me kéchéé éche ńlángé we meé ébele me. Mbíí meé wēbēl-le ké tómaa ngáne ńhóbé meé ébel.

22 Dyam démpēe áde ńhóbé meé ńlāa we ádíí nén meé, énbaned me tonǎ áwonǎ ndáb áyāle ndúbpe nén

meé Dyðb déwōg nyé mekáne, abídéd me á mbwōg,
ntán nyé ámpē.

²³ Epafrasε, awě súmō sêdé á mbwōg á dĭn á Yesu
Křsto, mómpe alōmme nyé melentεn.

²⁴ Káēne Makōσε, Aristakuse, Demase, ne Lukase
ábe syāābōō sêbele nsón bómpe bélénté nyé.

²⁵ Nsimé míme Yesu Křstəə mĭbê ne nyé
moosyəál.

Mel̃ Mékō̃lē
New Testament in Akoose (CM:bss:Akoose)

copyright © 2011 Wycliffe Bible Translators, Inc.

Language: Akoose

Translation by: Wycliffe Bible Translators, Inc.

Akoose

bss

Cameroon

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Akoose

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-21

PDF generated using Haiola and XeLaTeX on 18 Apr 2025 from source files dated 29 Jan 2022

0143729f-907e-5098-b6ce-63b1629b8e48